

աղաչեալ կնոջն զեպիսկոպոսունս իւր ձեռնադրել զՆերսէս Բա-
կուր ի կաթուղիկոսուածին Աղուանից: Իբրեւ անցին ժամանակք
ինչ, երեւեցոյց զաղանդն՝ զոր յղացեալ ունէր, իբրեւ յանդիմա-
նեցաւ յեպիսկոպոսացն և յերիցանցն, հալածական արար զբա-
ղումս. և ժողովեալ առաջնորդացն Աղուանից՝ նշովեցին զնա, և
գրեցին առ կաթուղիկոսն Հայոց Եղիա օգնել նոցա: Եւ գրեսց
Եղիայ առ զլիաւորն Տաճկաց Ապտրմելիք, թէ Առաջնորդն Աղ-
ւանից, և կին մի կամին ապստամբեցուցանել ի քէն զաշխարհն,
զի Յունօք թեւակոխեն: Եւ հրամայէ Եղիայի զնալ յաշխարհն Աղ-
ւանից. — Ընկենուլ զնա յաթուոյն. զնա և զկինն ի միասին կա-
պել նոցա և արկանել զուղտով որպէս զբեռն, և տանել ի դու-
ռն արքունի, զի նշաւակ լիցի ամենայն զօրուն: Եւ զնացեալ
Եղիայի և ներքինւոյն արքայի ի քաղաքն Պարտաւ՝ արարին զհը-
րամանն արքայի և մինչ այսպէս անարգանօք ձաղէին զնա, ի
նեղսրտութեան անկեալ Ներսէսն՝ յետ ութ աւուր վախճանեցաւ
դառնապէս: Եւ մուրհակ ետուն ամենայն նախարարքն Աղուանից
և ամենայն եպիսկոպոսունքն առաջի ներքինւոյն՝ հրամանաւ և
մատանեաւ արքունի, զի առանց հրամանի Կաթուղիկոսին Հայոց
ոչ ձեռնադրեսցեն կաթուղիկոս Աղուանից: Եւ ձեռնադրէ Եղիա
յաթուռն Աղուանից զտէր Սիմէօն, որ զպղտորումն Ներսէսի ե-
բարձ, կացեալ ամ մի և կէս, և եղ կանոնս եօթն տուն: Տէր
Միքայել ամս երեսուն և հինգ. սա կոչեաց զՄաքենացւոց հայրն
Սողոմօն, և անէծ զտեարս Աղուանից, որ զերից ազգաց զծը-
նունդսն ամուսնացուցեալ էին, որք բարձան ի միջոյ առ հասա-
րակ. նշովեցին և զԹալիէ Վրաց Առաջնորդն, զի նա հրաման
տայր անօրէն ամուսնութեանն: Տէր Անանիա ամս չորս: Տէր Յով-
սէփ ամս տասն և եօթն: Ի սորա հինգերորդ ամին լցաւ երկե-
րիւր ամ թուոյ Հայոց: Տէր Գաւիթ ամս չորս, սա թափեաց զհող
և զսպառ սրբութեանն, և զեղակուր եղեալ մեռաւ: Տէր Գաւիթ
ամս ինն. սա վաճառեաց անօրինաց զԳաստակերտն և զՍահմա-
նախաչ: Տէր Մատթէոս ամ մի և կէս, և սա եւս դեղ մահու
արբեալ վախճանեցաւ: Տէր Մովսէս ամ մի և կէս: Տէր Ահարօն
ամս երկուս: Տէր Սողոմօն, Տէր Թէոդորոս չորս: Տէր Սողոմօն
ամս մետասան և կէս: Տէր Յովհաննէս ամս քսան և հինգ.